

**ЎЗБЕКИСТОН РЕСПУБЛИКАСИ СОҒЛИҚНИ САҚЛАШ
ВАЗИРЛИГИ
ТОШКЕНТ ФАРМАЦЕВТИКА ИНСТИТУТИ**

**“АХБОРОТ СОАТИ”
МАТЕРИАЛЛАРИ**

Ҳафтанинг ижтимоий – сиёсий воқеалари

(2017 йил 10Апрель – 15Апрель)

№32

Тошкент – 2017

Одамлар турмуш фаровонлигини янада юксалтиришга хизмат қиладиган истиқболли лойиҳалар

Президентимиз Шавкат Мирзиёев Самарқанд шаҳридаги “Алпомиш” масъулияти чекланган жамиятига ташриф буюрди. Вилоятни ижтимоий-иқтисодий ривожлантиришга қаратилган қатор истиқболли лойиҳалар тақдимотлари ўтказилди. Самарқанд вилояти улкан сайёҳлик салоҳиятига эга. Туризмни ривожлантириш, сайёҳлик хизмати кўрсатиш сифатини ошириш ва йўналишларини кенгайтириш юзасидан изчил ишлар олиб борилмоқда. Бу борадаги салоҳиятни янада ошириш ва сайёҳлар оқимини кўпайтириш мақсадида Самарқанд шаҳрида эркин туристик ҳудудни барпо этиш бўйича 2017-2019 йилларга мўлжалланган лойиҳалар ишлаб чиқилган. Ушбу лойиҳаларга кўра шаҳарнинг Амир Темури кўчасида сайёҳлик-кўнгилочар меҳмонхона комплекси, Самарқанд эшак эшик канали бўйида қишки дам олиш маскани барпо этиш мўлжалланмоқда. Давлатимиз раҳбарига мазкур янги сайёҳлик марказларининг имкониятлари, сайёҳларга кўрсатиладиган хизматлар, кўнгилочар масканларда халқимизнинг миллий анъана ва қадриятларини намойиш этиш бўйича ташкил этиладиган лойиҳалар ҳақида маълумот берилди. Мамлакатимизнинг барча ҳудудлари каби Самарқанд вилоятида ҳам кичик бизнес ва хусусий тадбиркорликни жадал ривожлантириш, тадбиркорларнинг эркин фаолият кўрсатишини қўллаб-қувватлаш юзасидан кенг қўламли чора-тадбирлар амалга оширилмоқда. Президентимизнинг шу йил 12 январдаги “Ургут”, “Ғиждувон”, “Қўқон” ва “Ҳазорасп” эркин иқтисодий зоналарини ташкил этиш тўғрисида”ги фармони соҳа учун кенг имкониятлар яратмоқда.

Қарорга мувофиқ, “Ургут” эркин иқтисодий зонасининг Ургут туманида “Ургут-1”, Нуробод туманида “Ургут-2” ва Пастдарғом туманида “Ургут-3” ҳудудлари ташкил этилди. Ушбу ҳудудлар учун жами 816 гектар ер ажратилиб, уларни зарур муҳандислик-коммуникация инфратузилмаси билан таъминлаш ишлари бошлаб юборилган. Бугунги кунда енгил саноат, маиший техника, тиббиёт жиҳозлари, фармацевтика, чарм-пойабзал, канцелярия моллари, қурилиш материаллари ишлаб чиқариш бўйича лойиҳалар амалга оширилмоқда. 2017-2018 йилларга мўлжалланган 83 лойиҳа тайёрланган, уларнинг 20 таси жорий йилда ишга туширилади. Умумий қиймати 250 миллион долларни ташкил этувчи ушбу лойиҳалар тижорат банклари кредити ва таъсисчиларнинг маблағлари ҳисобидан молиялаштирилади. Натижада 5,5 минг янги иш ўрни ташкил этилади. Президентимиз ушбу стратегик ҳудудни ташкил этиш борасидаги ишларни тизимли йўлга қўйиш зарурлигини таъкидлади. Ҳудудга салоҳиятли тадбиркорларни жалб этиш, хориждаги индустриал зоналар фаолиятини ўрганиш ва илғор тажрибаларни амалиётга татбиқ этиш лозим. Ургут туманида муайян коллежни танлаб, иқтисодий зонада фаолият кўрсатадиган

кадрлар тайёрлаш, бундай тажриба “Қўқон”, “Ғиждувон”, “Ҳазорасп” эркин иқтисодий зоналарига ҳам жорий этиш кераклиги қайд этилди. Тадбиркорлар билан мулоқотда яратилаётган қулай ишбилармонлик муҳитидан самарали фойдаланиш, маҳсулотлар сифатини ошириш, экспорт фаолиятини ривожлантириш, ташқи бозорларни ўрганиш ва хорижлик ишбилармонлар билан ҳамкорликни кенгайтириш юзасидан тавсиялар берилди.

Халққа хизмат қилиш, одамларнинг манфаатларини таъминлаш — раҳбарлар фаолиятининг асосий мезонидир

Президентимиз Шавкат Мирзиёев 12 апрель кун пойтахтимизда амалга оширилаётган бунёдкорлик ишлари, ижтимоий-иқтисодий лойиҳалар ижроси, ижтимоий объектлар фаолияти билан танишди.

Мамлакатимизнинг барча ҳудуди каби пойтахтимизда ҳам саноатни жадал ривожлантириш, кичик бизнес ва хусусий тадбиркорликни қўллаб-қувватлаш борасида кенг қўламли ишлар амалга оширилмоқда. 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясининг учинчи йўналишида эркин иқтисодий зоналар, технопарклар ва кичик саноат зоналари самарадорлигини ошириш, янгиларини ташкил этиш, ишлаб чиқаришни модернизация қилиш, тармоқлараро саноат кооперациясини кенгайтириш бўйича улкан мақсад ва -вазифалар белгиланган. Президентимиз раҳнамолигида бу борадаги ишлар изчил давом эттирилмоқда.

Шавкат Мирзиёев 3 февраль ва 25 март кунлари Тошкент шаҳридаги саноат объектларига ташриф буюриб, улардан самарали фойдаланиш, корхона ва тадбиркорларнинг самарали фаолият юритиши учун зарур шарт-шароит яратиш бўйича кўрсатмалар берди. Бугунги кунда ушбу объектларда янги ишлаб чиқариш қувватлари ташкил этилмоқда.

Давлатимиз раҳбари ана шундай саноат ҳудудларидан бири — Чилонзор туманидаги «Реле ва автоматика» акциядорлик жамиятига ташриф буюрди. Заводнинг умумий ер майдони 3,91 гектар, ишлаб чиқариш майдони 2,26 гектар. Бу ерда юзга яқин турдаги металл ва пластмасса буюмлар, паст кучланишли қурилмалар тайёрланмоқда, шу йўналишда хизматлар кўрсатилмоқда. Ҳудудда ишлаб чиқаришни янада кенгайтириш учун яхши имконият, зарур инфратузилма мавжуд.

Акциядорлик жамияти ҳудудида кичик саноат зонаси ташкил этилиб, 2017-2018 йилларда 10 инвестиция лойиҳаси амалга оширилиши режалаштирилган. Уларга мувофиқ, бу ерда тўқимачилик ва қадоклаш маҳсулотлари, касса ва терминал учун қоғозлар, гидравлика -мойлари,

пластик труба ва фитинглар, мебель, акрил ва канцелярия товарлари ишлаб чиқариш мўлжалланган.

Масалан, «Сирдарё-қурилиш-монтаж» масъулияти чекланган жамияти томонидан бу ерда йилига 23-24 миллион дона қадоқлаш маҳсулотлари ишлаб чиқариш йўлга қўйилади. Полипропилендан тайёрланадиган, кимё, озик-овқат, тўқимачилик ва қурилиш саноатида қўлланиладиган бу маҳсулотларнинг 70 фоизи ички, 30 фоизи ташқи бозорга етказиб берилади. Корхонада 55 иш ўрни яратилади.

«Милк импэкс» масъулияти чекланган жамияти бу ерда мева-сабзавотларни қайта ишлаш, қуришиш ва қадоқлаш корхонаси ташкил этишни режалаштирмоқда. Корхонада йилига 500 тонна мева-сабзавот қайта ишланади, 30 иш ўрни яратилади.

Давлатимиз раҳбари ушбу ҳудудда экспортга йўналтирилган маҳсулотлар ишлаб чиқарадиган корхоналар ташкил этиш зарурлигини таъкидлади.

Шавкат Мирзиёев Чилонзор туманидаги «Roison Home White Goods» Ўзбекистон — Буюк Британия қўшма корхонасига ташриф буюрди.

Президентимизнинг 2016 йил 5 октябрдаги «Тадбиркорлик фаолиятининг жадал ривожланишини таъминлашга, хусусий мулкни ҳар томонлама ҳимоя қилишга ва ишбилармонлик муҳитини сифат жиҳатидан яхшилашга доир қўшимча чора-тадбирлар тўғрисида»ги Фармони соҳада янги босқични, янги имкониятлар эшигини очмоқда.

Собиқ «Алгоритм» заводи ҳудудида фаолият юритаётган бизнес субъектлари бунга мисол. Ҳозир бу ерда 50 дан ортиқ тадбиркорлик субъекти маиший техникалар, тўқимачилик ва кимё саноати маҳсулотлари, мебель, қоғоз буюмлар, қурилиш материаллари ишлаб чиқариш, металлни қайта ишлаш билан шуғулланмоқда. Ушбу корхоналарда мингдан зиёд ишчи меҳнат қилмоқда.

«Roison Home White Goods» қўшма корхонасининг умумий ер майдони қарийб 23 гектар, бино ва иншоотлар майдони 9,7 гектар.

Шу ернинг ўзида Чилонзор туманида амалга ошириладиган 20 дан ортиқ иқтисодий лойиҳалар тақдироти ўтказилди.

«1-Заргарлик корхонаси» лойиҳаси — улардан бири. Қиймати 10 миллиард сўм бўлган ушбу корхонада йилига 13 миллиард сўмлик заргарлик буюмлари ишлаб чиқарилади, 100 иш ўрни яратилади.

Сут маҳсулотлари ишлаб чиқариш лойиҳасининг умумий қиймати 9 миллиард сўм. Бу ерда замонавий технология асосида йилига 1 минг 150 тоннадан сут ва кефир, 400 тонна йогурт, 100 тоннадан сметана ва пишлок, 80 тонна творог ва бошқа маҳсулотлар тайёрланади. Юздан ортиқ киши иш билан таъминланади.

Чилонзор туманидаги эски 2-пойабзал фабрикаси ҳудудида аёллар, эркаклар ва болалар оёқ кийимларини ишлаб чиқариш режалаштирилган. Қиймати 3 миллиард сўм бўлган ушбу лойиҳа йилига

10 миллиард сўмлик маҳсулот ишлаб чиқариш имконини беради. Маҳсулотларни экспортга чиқариш ҳам мўлжалланмоқда.

Бу ерда қандолат маҳсулотлари, қадоклаш ва қурилиш материаллари, автомобиллар учун техник мой ишлаб чиқариш, «Совпластитал» акциядорлик жамияти ҳудудида кичик саноат зонаси ташкил этиш, юрак касалликларини даволаш маркази, медиамаркет ва савдо мажмуаси қуриш лойиҳалари ҳам намойиш этилди.

Шавкат Мирзиёев мамлакатимизда яратилаётган қулай ишбилармонлик муҳитидан самарали фойдаланиб, маҳсулотлар сифатини ошириш, корхоналарнинг хорижий ҳамкорлар топишига кўмаклашиш ва экспорт фаолиятини янада ривожлантириш зарурлигини таъкидлади. Мутасадди раҳбарларга тадбиркорлик фаолиятини кенг қўллаб-қувватлаш, инвестиция жалб қилиш ва кредитлар ажратиш, экспортни рағбатлантириш каби долзарб йўналишлар бўйича тегишли топшириқлар берди.

Президентимиз Шавкат Мирзиёев «Катта Хирмонтепа» ва «Яккатут» маҳалла фуқаролар йиғинларида бўлди.

Маҳалла фуқаролар йиғинлари ўзини ўзи бошқаришнинг чинакам халқона институти сифатида жамиятимиздан мустаҳкам ўрин эгаллаган. Бу халқ билан мулоқот қилиш ва инсон манфаатларини таъминлашга қаратилган эзгу вазибаларни амалга оширишда муҳим аҳамият касб этаётир.

Катта Хирмонтепа маҳалласида, асосан, кўп қаватли уйлар жойлашган. Давлатимиз раҳбари маҳалла ҳудуди билан танишди. Кўп қаватли уйлар, мактабгача таълим муассасалари, мактаблар атрофини ободонлаштириш, йўлакларни таъмирлаш бўйича мутасаддиларга кўрсатмалар берди.

Мактаб — таълим-тарбия маскани. Бу жойдаги ободонлаштириш ишларига алоҳида эътибор қаратиш зарур, деди Президентимиз. Таълим муассасалари олдида доимо гул экилган, саранжом-саришта бўлиши керак.

Шавкат Мирзиёев шу ерда яшовчи аҳоли хонадонларида бўлиб, улар билан суҳбатлашди.

Яккатут маҳалласида иккита мактабгача таълим муассасаси, иккита мактаб, иккита коллеж фаолият юритмоқда.

Президентимиз мазкур маҳалла ҳаёти билан танишди, халқ билан мулоқот қилди.

Шу ерда давлатимиз раҳбарига Тошкент шаҳрида қурилиши режалаштирилган намунавий маҳалла марказлари лойиҳалари ҳақида ахборот берилди.

Жорий йилнинг март ойида Президентимиз Юнусобод тумани Увайсий номидаги маҳаллада бўлиб, фуқаролар йиғини ходимлари, профилактика инспектори ва аҳоли учун яратилган қулай шароитлар билан танишар экан, пойтахтимиз, қолаверса, мамлакатимизнинг барча ҳудудида мана шундай маҳалла марказларини бунёд этиш ҳақида кўрсатмалар берган эди.

Маҳаллалар ўз зиммасидаги вазифаларни самарали бажариши учун ҳуқуқий асослар билан бирга, етарли шарт-шароитларга ҳам эга бўлмоғи лозим, деди Президентимиз.

Таклиф этилаётган янги маҳалла марказлари лойиҳасида маҳалла раиси, котиб ва маслаҳатчилар, профилактика инспектори учун алоҳида хоналар бўлиши кўзда тутилган. Бу халқимизга хос ҳамжихатлик, меҳр-оқибат фазилатларини янада мустаҳкамлашга хизмат қилади.

Профилактика инспектори ўзи ишлайдиган маҳалла ҳудудида яшаши лозим. Бу профилактика инспектори маҳалладаги ҳар бир хонадон билан яқин мулоқот ўрнатиши, кўчалар ва жамоат жойларини қатъий назоратга олишида муҳим аҳамиятга эга.

Профилактика инспекторларини хизмат уйлари, имтиёзли кредитлар ҳисобига машиналар билан таъминлаш, уларнинг яшаши ва самарали ишлаши учун барча шароитни яратиш бўйича зарур топшириқлар берилди.

Маҳалла марказларида чойхона, новвойхона, «Гўзаллик салони», дўконлар, спорт ва болалар майдончалари бўлиши одамларнинг зарур эҳтиёжларини қондириш билан бирга, ҳудуддаги маънавий муҳит барқарорлигини таъминлашга ҳам хизмат қилади.

Маҳалла халқ билан давлат ўртасида кўприк бўлиши керак, деди Шавкат Мирзиёев. Одамларнинг қувончу ташвишидан доимо хабардор бўлиш маҳалланинг асосий вазифасидир.

Мамлакатимизда, айниқса, пойтахтимизда транспорт воситалари кўпайиб бормоқда. Бу одамларимизнинг турмуш даражаси ошиб, юртимиз фаровонлиги йилдан-йилга юксалаётгани исботидир. Зеро, кенг қўламли ислоҳотлардан кўзланган асосий мақсад ҳам аҳоли турмуш даражасини ошириш, инсон манфаатларини тўла таъминлашдир.

Шавкат Мирзиёев Чилонзор туманидаги ички йўлларни таъмирлаш лойиҳаси билан танишди. Лойиҳага кўра, 2017-2018 йилларда тумандаги барча ички йўллар тўлиқ таъмирланади. Йўлларнинг сифати ва замонавийлигига алоҳида эътибор қаратиш зарурлиги таъкидланди.

Катта бино ва иншоотлар, бозорга яқин ҳудудларда автотранспорт воситаларини вақтинча сақлаш жойлари етишмаслиги муайян ноқулайликлар туғдирмоқда. Президентимизга барпо этиладиган махсус автотураржойлар лойиҳаси ҳақида ахборот берилди. Унга кўра, бинолар ёнида автомобиллар учун мўлжалланган уч ва тўрт қаватли автотураржойлар қурилиши режалаштирилган. Бу йўллардаги тирбандликларнинг олдини олиш, хайдовчилар ва пиёдалар хавфсизлигини таъминлашда муҳим аҳамият касб этади.

Давлатимиз раҳбари йўлларни яхшилаш билан бирга, автотранспорт воситаларини вақтинча сақлаш жойларини ҳам замонавий талаблар даражасида бунёд этиш бўйича -мутасаддиларга тегишли кўрсатмалар берди.

Президентимиз Шавкат Мирзиёев раҳбарлигида Низомий номидаги Тошкент давлат педагогика университетида йиғилиш бўлиб ўтди. Унда Тошкент шаҳри ва туман ҳокимлари, турли вазирлик ва идоралар раҳбарлари, пойтахт жамоатчилиги вакиллари иштирок этди.

Давлатимиз раҳбари ташаббуси билан жисмоний ва юридик шахсларнинг мурожаатлари билан ишлашнинг шакл ва сифат жиҳатидан янги тизимини жорий этиш мақсадида Ўзбекистон Республикаси Президентининг виртуал қабулхонаси, Қорақалпоғистон Республикаси ва вилоятлар марказлари, Тошкент шаҳри, туман ва шаҳарларда Халқ қабулхоналари ташкил этилди. Бу барча даражадаги давлат органлари фаолиятида «Халқ давлат идораларига эмас, давлат идоралари халқимизга хизмат қилиши керак», деган тамойилни амалда рўёбга чиқариш, аҳоли билан бевосита мулоқотни йўлга қўйиш, уларнинг ҳуқуқ ва манфаатларини таъминлашда алоҳида аҳамият касб этмоқда.

Бугунги кунда аҳоли мазкур муассасаларга ўзларини қийнаётган масалалар билан мурожаат қилаётир. Жойларда ўтказилаётган сайёр қабуллар фуқаролар ва тадбиркорларга ўзлари дуч келаётган муаммолар юзасидан тегишли соҳаларга масъул бўлган раҳбарларга бевосита мурожаат қилиш, уларга қисқа вақтда ечим топиш, жамиятимизда ижтимоий адолат тамойилларини қарор топтиришда муҳим омил бўлаётир.

Чилонзор туманидан Президентимизнинг виртуал қабулхонасига 16 мингдан зиёд мурожаат келиб тушган бўлиб, уларнинг атиги 1,5 мингтаси ижобий ҳал қилинган.

«3-Чарх Камолон» маҳалла фуқаролар йиғини раиси Баҳодир Султонов, ушбу маҳалла профилактика инспектори Бобомурод Абдуллаев, «1-Чарх Камолон» маҳалла фуқаролар йиғини раиси Зубайда Тўйчиева, «Навбахор» маҳалла фуқаролар йиғини раиси Исматилла Собиров, Гавҳар маҳалласидаги «Соғлом келажак» хусусий уй-жой мулкдорлари ширкати раиси Рухия Муҳамедова, 181-умумтаълим мактаби директори Моҳидил Бегматова ва - бошқалар Президентимиз Шавкат Мирзиёев ташаббуси билан асос солинган мурожаатлар билан ишлаш бўйича янги тизим халқимизни ҳаётдан рози қилиш, уларнинг адолат ва давлатга бўлган ишончини оширишга хизмат қилаётганини, Халқ қабулхоналари 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган мақсадларга эришишда муҳим воситага айланиб бораётганини таъкидлади.

Учрашувда аҳолига зарур шароитлар яратиш, коммуникация тизимларини таъмирлаш, ҳудудларни ободонлаштириш, тадбиркорларни қийнаётган тўсиқларни олиб ташлаш масалаларига алоҳида эътибор қаратилди.

Президентимиз мазкур соҳалардаги камчиликларни бартараф этиш, истиқболда амалга оширилиши зарур бўлган вазифалар юзасидан мутасадди раҳбарларга тегишли топшириқлар берди.

Аҳоли фаровонлигини янада ошириш ва мамлакатни ривожлантиришнинг долзарб масалалари муҳокама қилинди

Ўзбекистон Республикаси Президенти Шавкат Мирзиёев раҳбарлигида шу йил 11 апрель куни кенгайтирилган видеоселектор йиғилиши бўлиб ўтди. Унда Ўзбекистон Республикаси Олий Мажлиси палаталари раҳбарлари, Президентнинг Давлат маслаҳатчилари, Вазирлар Маҳкамаси, вазирлик ва идоралар, компания ва уюшмалар раҳбарлари, Қорақалпоғистон Республикаси Жўқорғи Кенгеси Раиси, вилоятлар, Тошкент шаҳар, мамлакатимиз шаҳар ва туманлари ҳокимлари, жамоатчилик вакиллари иштирок этди.

Селектор йиғилишида дастлаб ҳаётий муҳим масалалар бўйича фуқароларнинг мурожаатларини кўриб чиқиш борасидаги ишларнинг аҳволи муҳокама қилинди.

Йиғилишда Қорақалпоғистон Республикаси, вилоятлар ва Тошкент шаҳрида, мамлакатимизнинг барча шаҳар ва туманларида Ўзбекистон Республикаси Президентининг Халқ қабулхоналари ҳамда давлатимиз раҳбарининг Виртуал қабулхонаси ташкил этилиб, ўз фаолиятини бошлагани халқ манфаатларини таъминлаш, мамлакатни янгилаш ва демократлаштириш йўлидаги улкан амалий қадам бўлгани алоҳида таъкидланди.

Жорий йил бошидан буён Виртуал қабулхонага 315 мингта мурожаат келиб тушган. Жойлардаги Халқ қабулхоналарида 47 мингдан ортиқ фуқаро қабул қилинган ва уларни қийнаётган муаммоларни ҳал этиш бўйича амалий ёрдам кўрсатилган.

Шу билан бирга, жойларда баъзи раҳбарларнинг аҳолининг энг муҳим ҳаётий эҳтиёжлари ва ҳақли талабларига бефарқ -муносабатда бўлаётгани кўзга ташланмоқда. Шикоятларнинг 70 фоизи бевосита маҳаллий ҳокимлик ва идораларнинг ваколатига кирадиган масалалар бўйича бўлса-да, афсуски, кўтарилаётган муаммолар жойида ҳал этилмасдан қолмоқда. Шунинг учун аҳоли ва юридик шахслар марказий идораларга мурожаат қилишга мажбур бўлмоқда.

Йиғилишда мавжуд камчилик ва нуқсонларни бартараф этиш бўйича аниқ чора-тадбирлар белгиланиб, Бош вазир А. Арипов, Президентнинг Давлат маслаҳатчиси Т. Худайбергеновга кўплаб мурожаатлар, айниқса, такрорий мурожаатларга сабаб бўлаётган тизимли муаммоларни бир ой муддатда ўрганиб чиқиб, уларни ҳал этиш юзасидан комплекс таклифлар тайёрлаш вазифаси топширилди.

Селектор йиғилишида кун тартибидаги навбатдаги масала — мамлакатимиз озиқ-овқат хавфсизлигини мустаҳкамлаш борасидаги долзарб вазифалар муҳокама қилинди.

Истиқлол йилларида озиқ-овқат хавфсизлиги ва мустақиллигини таъминлаш соҳасида улкан ишлар амалга оширилгани, йилдан-йилга халқимиз

фаровонлиги ортиб, турмуш даражаси ва сифати юксалиб бораётгани кайд этилди.

Мамлакатимиз тарихан қисқа муддатда асосий қишлоқ хўжалиги маҳсулотлари билан нафақат ўз аҳолимизни тўлиқ таъминлашга эришгани, балки экспортга маҳсулот етказиб бераётгани ўтган йиллар давомида соҳада амалга оширилган кенг кўламли ислохотларнинг натижасидир.

Айни вақтда мамлакатимизнинг айрим ҳудудларида бу борада жиддий оқсоқлик кўзга ташланмоқда. Баъзи минтақаларда яратилаётган қулай шароит ва имкониятларга қарамасдан, айрим қишлоқ хўжалиги маҳсулотлари билан ўз аҳолисини тўлиқ таъминлашга эришилмаган. Масалан, Қашқадарё вилоятида маҳаллий аҳолини ҳудудда етиштирилган мева билан таъминлаш даражаси 71 фоизни, Сирдарё вилоятида 85 фоизни ташкил этмоқда. Бу албатта ҳеч кимни қаноатлантормайди.

Йиғилишда бу борадаги мавжуд муаммоларни ҳал этиш йўлларида бири, бу — аҳолининг томорқа ерларидан самарали фойдаланиши билан узвий боғлиқ экани таъкидланди. Афсуски, бу борадаги аҳвол ҳамма жойда ҳам талаб даражасида, деб бўлмайди. Масалан, жорий йил давомида ўтказилган ўрганишлар шуни кўрсатдики, Навоий вилоятида 27 фоиз, Самарқанд вилоятида 45 фоиз, Бухоро вилоятида 47 фоиз, Жиззах вилоятида 50 фоиз томорқа ерларида, афсуски, озиқ-овқат экинлари ва мевали дарахтлар экилмаган.

Ана шу масалаларни ҳал қилиш юзасидан Қишлоқ ва сув хўжалиги вазирлиги ҳамда ҳокимиятлар раҳбарларига озиқ-овқат хавфсизлигини мустаҳкамлаш ва экспорт ҳажмини кўпайтириш учун бир қатор чоратадбирларни амалга ошириш вазифаси топширилди. Жумладан, мева-сабзавотчиликка ихтисослаштирилган 66 тумандаги 455 минг гектар унумдор ердан, 2017 — 2020 йилларда пахта ва ғалладан бўшайдиган 215 минг гектар майдондан унумли фойдаланиш зарурлигига урғу берилди. Шунингдек, мамлакатимиздаги 4 миллион 600 минг хонадонга тегишли 515 минг гектар томорқа ерларига жорий йилнинг 1 майига қадар озиқ-овқат экинларини тўлиқ экишни таъминлаш лозимлигига алоҳида эътибор қаратилди.

Селектор йиғилишида яна бир муҳим масала — ҳудудларни ижтимоий-иқтисодий ривожлантиришда маҳаллий раҳбарларнинг ўрни ва масъулиятини ошириш масаласи кўриб чиқилди. Аввало, маҳаллий раҳбарларнинг жойларда саноат, қишлоқ хўжалиги, хизмат кўрсатиш соҳаси ва экспортни кенгайтириш, тадбиркорликни ривожлантириш, янги иш ўринларини яратиш, аҳоли жон бошига даромадлар ўсишини таъминлашга қаратилган ишларни ташкил қилиш ва уларнинг қатъий назоратини амалга ошириш борасидаги муҳим вазифалари белгиланди. Маҳаллалардаги ижтимоий-маънавий муҳитни соғломлаштириш, ёшларни халқимизга ёт бўлган турли оқимлар таъсиридан ҳимоя қилиш ва уларни ватанпарварлик руҳида тарбиялаш масалаларига алоҳида эътибор қаратилди.

Жойлардаги молия-солиқ органларининг асосий вазифаси сифатида маҳаллий бюджетнинг даромадлар базасини мус-таҳкамлаш бўйича қўшимча захираларни аниқлаш ва улардан самарали фойдаланишни ташкил этиш зарурлиги қайд этилди.

Ўзбекистон Республикаси Президенти Шавкат Мирзиёев селектор йиғилишида муҳокама қилинган масалалар ҳақида тўхталиб, биз барчамиз мамлакатимиз ва унинг ҳудудларини ижтимоий-иқтисодий жиҳатдан изчил ва мутаносиб ривожлантириш, халқимиз билан доимий ва очиқ мулоқот олиб бориш орқали юртдошларимизни ташвишга солаётган ҳаётий муаммоларни ўз вақтида ва самарали ҳал этиш, аҳоли учун ҳар томонлама муносиб турмуш шароитларини яратиш бўйича кенг кўламли вазифаларни ўз зиммамизга олганимизни доимо ёдимизда тутиб, шу асосда фаол иш олиб боришимиз керак, деб таъкидлади.

Бу вазифаларни бажариш Ўзбекистон Республикаси Президенти, Бош вазир ва унинг ўринбосарлари, ҳукуматнинг ҳар бир аъзосидан бошлаб, энг қуйи бўғиндаги идора ва ташкилотлар раҳбарлари, барча ходимдан масъулиятни чуқур ҳис этиб, қатъий тартиб-интизом билан фидокорона меҳнат қилишни, энг муҳими, амалий натижаларга эришишни талаб этиши алоҳида қайд этилди.

Мамлакатимизда қабул қилинаётган ҳар бир Қонун, Фармон, қарор ва фармойиш, барча топшириқлар ўз вақтида, сифатли ва сўзсиз бажарилиши зарур, деди давлатимиз раҳбари.

Йиғилишда Президентнинг Давлат маслаҳатчилари, Бош вазир ўринбосарлари, Бош прокурор, вазирлик ва идоралар раҳбарлари, Қорақалпоғистон Республикаси Жўқорғи Кенгеси Раиси, вилоятлар, Тошкент шаҳар, республика туманлари ва шаҳарлари ҳокимлари, маҳаллий идоралар раҳбарларининг ҳисоботлари тингланди.

Йиғилишда кўрилган масалалар юзасидан вазифалар ва зарур чора-тадбирлар белгиланди.

Амир Темур сиймосига эҳтиром

Соҳибқирон Амир Темур ўз даврида энг қудратли давлат барпо этган, илм-фан, маданият ва маънавият ривожига кенг йўл очган, дунё тамаддунига беқиёс ҳисса қўшган буюк шахсдир.

Бобокалонимизнинг адолатли жамият барпо этиш, ўзаро ҳамжиҳатлик, бағрикенглик, меҳр-оқибат муҳитини мустаҳкамлаш, халқ фаровонлигини таъминлашга оид эзгу тамойиллари бугун Ватанимиз ижтимоий-иқтисодий, маънавий ҳаётининг ўзига хос мезонига айланди.

Чунончи, мамлакатимизда миллий давлатчиликни шакллантириш, халқимиз фаровонлигини ошириш, фарзандларимиз учун ҳеч кимдан кам бўлмаган ҳаёт барпо этиш мақсадига қаратилган кенг кўламли ислохотлар моҳиятан Амир Темур ўғитларига уйғун.

Ҳаёти мазмунини “миллатнинг дардига дармон бўлишдан иборат”, деб билган соҳибқироннинг шахси, амалга оширган бетимсол ишлари халқаро миқёсда ҳамон катта қизиқиш билан ўрганилмоқда.

Анъанага мувофиқ, 9 апрель куни пойтахтимиздаги Амир Темури хийбонида улуғ бобокалонимиз таваллудининг 681 йиллигига бағишланган тантанали тадбир бўлиб ўтди. Унда турли вазирлик ҳамда идоралар, жамоат ташкилотлари, олимлар, ижодкорлар, ўқитувчи ва талаба-ёшлар, юртимизга ташриф буюрган хорижлик сайёҳлар қатнашди.

Тадбирда сўзга чиққан Халқаро Амир Темури хайрия жамоат фонди раиси Нозим Ҳабибуллаев, тарих фанлари доктори Шоҳиста Ўлжаева, публицист Бахтиёр Ҳайдаров ва бошқалар соҳибқироннинг ҳаёти ҳамда фаолияти авлодлар учун ибрат эканлигини таъкидладилар.

Дарҳақиқат, истиқлолнинг илк йиллариданоқ мамлакатимизнинг Биринчи Президенти Ислам Каримов раҳнамолигида буюк аجدодларимиз хотираси ҳамда улар яратган бебаҳо маънавий ва маданий меросни тиклаш, асраб-авайлаш ҳамда келгуси авлодларга бус-бутун етказиш масаласига давлат сиёсати даражасида эътибор қаратилди.

Кўчалар, майдонлар, хийбонлар ул зот номи билан аталди. Тошкент, Самарқанд, Шаҳрисабзда улуғ саркарданинг ҳайкаллари ўрнатилди.

1995 йилда Халқаро Амир Темури жамғармаси ташкил этилди. 1996 йил мамлакатимизда “Амир Темури йили” деб эълон қилинди ҳамда пойтахтимизда Темурийлар тарихи Давлат музейи қад ростлади, “Амир Темури” ордени таъсис этилди. Худди ўша йили Тошкент, Самарқанд ва қатор хорижий давлатларда ЮНЕСКО шафелигида соҳибқирон таваллудининг 660 йиллиги кенг нишонланди.

Яна бир қувонарли жиҳати шундаки, айна пайтда юртимизда олиб борилаётган кенг кўламли ислохотларнинг барчаси “Инсон манфаатлари ҳамма нарсадан устун” деган эзгу ғояни ўзида мужассам этган. Президентимиз Шавкат Мирзиёевнинг 2016 йил 14 декабрда Олий Мажлис палаталари қўшма мажлисида “Буюк соҳибқирон Амир Темури бобомизнинг: “Адолат ҳар бир ишда ҳамроҳимиз ва дастуримиз бўлсин!” деган чуқур маъноли сўзлари ҳар биримиз учун ҳаётини эътиқодга айланиши зарур”, деган эзгу даъвати буюк бобокалонимизга юксак эҳтиромнинг ёрқин ифодасидир.

— Амир Темурининг навқирон авлод тарбиясида тутган ўрни бениҳоя катта, — дейди Янгийўл тумани Гулбаҳор саноат касб-ҳунар коллежининг тарих фани ўқитувчиси Ҳикматулла Тулибаев. — Соҳибқироннинг ҳаёти ва фаолиятини ўрганиш орқали ёшларда миллий ўзликни англаш, юксак маънавият, тарихий-маданий меросга ҳурмат муносабатини мустаҳкамлаш, йигит-қизларни ҳар томонлама ватанпарварлик руҳида тарбиялашга эришилади. Шу нуқтаи назардан, биз ўқувчилар билан мунтазам равишда ушбу муаззам хийбонга, Темурийлар тарихи Давлат музейига тез-тез келишни одат қилганмиз.

Тадбирда Ўзбекистон давлат жаҳон тиллари университети талабалари ўзбек ва инглиз тилларида америкалик машҳур шоир Эдгар Аллан Понинг “Буюк Темур” достонидан парча ўқиди. Республика дизайн ва рассомлик коллежи ўқувчилари Амир Темур ва темурийлар давридаги либосларни намоиш қилди.

Буюк соҳибқирон ҳайкали пойига гуллар қўйилди.

Тадбирда Ўзбекистон Республикаси Президентининг Давлат маслаҳатчиси Х. Султонов иштирок этди.

Шу куни Темурийлар тарихи Давлат музейида “Амир Темур даврида боғ яратиш санъати” деб номланган кўргазма очилди.

Соҳибқирон таваллудининг 681 йиллиги Самарқанд вилоятида ҳам кенг нишонланди. Хусусан, 9 апрель санасида эрта тонгдан жамоатчилик вакиллари, ёшлар Амир Темур мақбарасини зиёрат қилдилар. Улуғ саркарда ҳайкали пойига гулчамбарлар қўйилди.

Халқаро Амир Темур хайрия жамоат фонди, Ўзбекистон Ёзувчилар уюшмаси, Самарқанд давлат университети ҳамкорлигида илмий конференция бўлиб ўтди.

Ёзувчи ва шоирлар, олимлар, талабалар қатнашган мазкур анжуманда Амир Темур давлатчилиги тарихи, унинг дунё фани ва маданияти ривожига қўшган ҳиссаси, амалга оширган бунёдкорлик ишлари, юртимизда мустақиллик йилларида соҳибқирон сиймосининг тикланиши ҳақида фикр-мулоҳазалар билдирилди.

Қадимий ва ҳамиша навқирон Шаҳрисабзда буюк саркарда ҳамда давлат арбоби, соҳибқирон бобомиз таваллудининг 681 йиллигига бағишлаб бир қатор анжуманлар ўтказилди. Шаҳар марказидаги Амир Темур хиёбонида бўлиб ўтган тадбирда вилоят ҳокимлиги, “Нуроний” жамғармаси Қашқадарё вилояти бўлими, корхона ва ташкилотлар, ўқув муассасалари вакиллари ҳамда маҳалла фаоллари қатнашди.

Иштирокчилар дастлаб Оқсарой мажмуасидаги Амир Темур ҳайкали пойига гулчамбарлар қўйишди. Тадбир доирасида вилоят мусикали драма театри актёрлари томонидан ижро этилган соҳибқирон ҳаётига оид монологлар ва сахна кўринишлари, Амир Темур номидаги моддий маданият тарихи музейида ташкил қилинган театрлаштирилган мусиқий тадбир барчада катта таассурот қолдирди.

Амир Темур таваллудининг 681 йиллигига бағишланган тадбирлар Қорақалпоғистон -Республикаси ва бошқа вилоятларда ҳам бўлиб ўтди.

Миллионлаб яманлик болаларнинг таълим олиши хавф остида турибди

Яманда 4 млн дан кўпроқ бола таълим олиш имконидан маҳрум бўлиши мумкин, деб айтди Санодаги матбуот-анжуманда ЮНИСЕФнинг Ямандаги вакили ўринбосари Мериткселл Релано.

Унинг айтишича, Яманнинг 22 та вилоятдан 13 тасида, жумладан Сано, Таиз, Худайдо, Ибб, Амран, Жауф ва Хаджада ўқитувчиларга 2016 йил октябрдан маош тўланмаяпти. "166 443 ўқитувчи (мамлакатдаги педагогларнинг 73 фоизи) маош олмасдан ишламоқда", деб айтди Релано.

Бундан ташқари, 13 146 та (мамлакатдаги 78 фоиз) мактаб биносига шикаст етган. "Бу мактабларда камида 4,5 млн бола таълим олади", деб кўшимча қилди Релано.

Трамнинг Шимолий Кореяни "босиб туриш" бўйича режаси маълум бўлди

АҚШ ҳукумати КХДР ядро дастурига қарши кўп даражали стратегияни ишлаб чиқди, деб хабар бермоқда Reuters.

Агентлик маълумотида кўра, рўйхат анча кенгайтирилган ва куч усуллари ҳам назарда тутган. Бироқ, Америка президенти Дональд Трамп биринчи навбатда, дипломатик ва иқтисодий таъсир чораларини кўриб чиқмоқда.

Санкциялар Вашингтон ёки БМТ томонидан киритилиши мумкин. Чеклов чоралари Пхеньяннинг хатти-ҳаракатларидан келиб чиқиб қўлланилади. Улар орасида – КХДРга нефть етказиб беришга эмбарго ва мамлакат денгиз маҳсулотлари ҳамда кўмирини экспорт қилишга тақиқ қўйиш бор. Мамлакат самолётларига эса бошқа давлатлар ҳаво кенгликларига кириш ман этилади, кемалари эса – бошқа портларга киритилмаслиги мумкин. Шимолий Корея компаниялари билан ҳамкорлик қилувчи Хитой банкларига санкциялар киритиш ҳам кўзда тутилган.

Аввалроқ АҚШ Корея ярим ороли қирғоқларига ҳарбий кемалар зарба гуруҳини юборганимаълум бўлганди. Маълумотларга кўра, КХДР янги ядро синовини мамлакат асосчиси Ким Ир Сен туғилганига 105 йил тўлиши муносабати билан 15 апрель куни ўтказиши мумкин.